



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 19. Joannes Draconites, & Blaurerus mortui.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

Sæcul. XVI. Albæ ad Tanarum flumen Episcopus
 A.C. 1566.
 Scav. t. 3.
 l. 4.

VII. Anno Christi millesimo quingentesimo trigesimo secundo creatus, qui magis in arte Poetica, quam Theologiæ disciplina inclaruit, ejusque tractatus versibus conscriptus de arte Poetica plurimi quidem habetur, parique laude commendatur ejusdem *Christeis*, seu Poema de vita Christi Domini, necnon aliud carmen de *ludo* latrunculorum, seu vulgo *schachico*: ceteris tamen palmam præripuisse videtur illius poema de Bombyce. Præter hæc opera scripsit etiam I. hymnos, II. Bucolica, III. epistolam ad Joannem Matthæum Gilbertum, IV. Dialogos de dignitate Republicæ, V. pastorale in mortem Julii II. Pontificis, VI. Constitutiones Synodicas, VII. Martyrium S. Dalmatii, VIII. librum de Magistratu. Hic Præsul die vigesima septima Septembris Anno Salvatoris nostri millesimo quingentesimo sexagesimo sexto, postquam sexagesimum ætatis suæ annum emensus erat, demum obiit, sepultusque est Albæ in sua Ecclesia.

§. XIX.

*Joannes Draconites, & Blaurerus
 mortui.*

Hoc

Hoc item anno Protestantium Scri-
ptorum nonnulli fatis concessere,
quos inter primus erat Joannes Dra-
conites Germaniæ Minister Carolstadii
in Franconia, qui postquam a teneris
linguarum studio sese impenderat, Po-
liglottam Bibliorum in quinque linguis
juxta Poliglottæ Origenis, & editionis
Complutensis exemplar concinnare ag-
grediebatur: verum hoc opus ad exi-
tum deducere haud potuit, subitanea
morte præventus Tubingæ die decima
sexta Aprilis, anno ætatis suæ sexa-
gesimo quinto, ediderat tamen præter
alia quædam opuscula commentarios
quosdam in Prophetas. Alter erat Am-
brosius Blaurerus, cujus tamen obitum
historicorum nonnulli ad annum sequen-
tem referunt. Hic natus erat Con-
stantiæ die quarta Aprilis Anno Salu-
tis nostræ millesimo quadringentesimo
nonagesimo secundo, qui cum in Ab-
batia Aberspacensi prope Wittenber-
gam Monachum induisset, magnosque
in literis progressus fecisset, Lutheri li-
bris, ac frequenti cum quibusdam hæ-
reticis colloquio seductus, Anno Chri-
sti millesimo quingentesimo vigesimo
tertio a fide Catholica defecit, ac
Constantiæ, quo auffugerat, novos er-
rores suis sermonibus divulgavit: inde
vero Basileam delatus cum Zwinglio,

Sæc XVI.
A C 1566.

Thu. l. 30.
Melch. A-
dam in vit.
Theol Germ.

Sæcul. XVI. Oecolampadio, aliisque eidem interfuit colloquio, in quo Magistratus immutata omni Religione hærefin introducebat. Mortuus est denique Blaurerus ætatis suæ anno septuagesimo quinto, eumque Calvinus in suis epistolis amplo elogio honorabat: verum cuncta, quæ posteris reliquit, opuscula non nisi ad quosdam pietatis libellos restringuntur.

§. XX.

Michaelis Nostradami exitus.

*Spond. hoc
ann. n. 34.
Naude Apa-
log. des
grands
hommes
ch. 6.*

Haud silentio prætereundus est celebris Michael Nostradamus Medicus, atque Astronomus suis vaticiniis risu dignis adeo celebris, ut etiam ad similia deliria in vulgus spargenda non pauci nomen huius Scriptoris, auctoritatemque allegarent. Referunt Historicorum nonnulli, illum in oppido sancti Remigii in Provincia fuisse natum: alii vero eum Sali ortum dicunt, id tamen certum constat, quod ibidem in Ecclesia Fratrum Minorum sepultus fuerit, ubi etiam ejus effigies unacum funerali inscriptione marmori incisa hodiedum visitur. Obiit is Sali die secunda Julii, postquam annos sexaginta duos, sex Menses, & septendecim dies vixerat: porro is idem in Mont-Pessulano Collegio literis vacabat, confectoque studiorum